

復

莊

詩

問

復莊詩問卷十二

大梅山館集

鎮海姚
變某伯甫

元旦登梓蔭山謁文帝

以下丁酉作

星台宮殿蕊珠低彤日初懸躡景梯臣敢墮天邀福慧
帝須鑒我在塗泥鳳邊玉灘三危露龍背華旌五色霓
此是大羅無上界下方冠佩共招攜

三日如初夏喜而成歌

入春三日如初夏雪帽冰衣盡消卻嵐烟浥浥成溽蒸
川色娟娟作雲瀉頻年豐贍逢大年海棉山譜無歉田
飲和食德萬生樂相與擊壤娛皇天皇天感民錫民福

快洩真陽煦羣育由蟄而動宜羽旄以毛爲萌將葉緝
小臣獻瑞詩初成與我眷屬同太平方隅四極日鏡清
大地歌舞韶英蕤有宿酒臣且醉八百流年拚一睡
睡醒不知歷短長但說吾 皇已千歲千歲萬歲安有
期六合上下均恬熙靈芝俎爲野菜食鳳凰多於蝴蝶
飛臣雖未從拜殿列願編私史誇農羲

六日夕招同孔

傳詩

史

韓朝元

吳

頌

小飲得詩

二律

聊屏薺鹽味從誇宿肉多朗宜燈作月醉聽我狂歌高
慢當深樹晴天近鬧蛾簪花細腰鼓舞也共婆娑

每有參商隔茲筵小合萍眼中春藹藹他日鬢星星拍
筑爲清樂堆雲作輒屏歸時多草露莫染鞶鷗青

盆中紅梅花開折有所贈佐之以詩

密室不受嵐氣寒簾額挂鏡如月九花知人意與春接
特含春態娛人歡西巷誰家矮籬落枯井苔根走風蘿
窮士苦吟情信芳灑抱琴絃夢耀鶴我家春色先爾家
爾屋但有枯枝斜白雲英英點白衿纈影初暄無一花
始爾一枝兩三朵天地元心盡包裹朔烟凌厲愁冰去
窓自此禪關可安坐香臺不築老眼枯墮魂海底搜珊瑚
笑靨可憐絕代殊此殊莫是梁綠珠君家冷蘚愁疎

鬢我屋纖禽寫么韻我屋低茅五六間中有燕支山萬仞

同厲三志盧大派酌性公總持丈室

人天香飯林斗室甕中月是於六根外營此獅子窟城
山綠翠屏晚浦雨初歇低雲包鐘聲不使散蓬勃置筵
松下堂必然茗澆餚細繆成雪花膩我唾衫滑風搖燭
漸微人影向烟沒繼爇光明燈聽龍語空鉢斯時屋楞
間霧海正遼闊畧見窓隙瀾搖動繡旛活下有掣浪鯨
上有睨霄鵠師持金剛寶智慧炳毫髮授客定止心邀
坐大津筏諸君非木偶有狂胡不發縛身苦衆魔誰能

斷手辣願以舍利堅琢爲我詩骨了此半偈參在胸已無物詎憂山鬼睇來蠱居士佛

二更大風雨放舟自甬江下浹口

張帆如勁弓寸心與爲矢一發不及的在空勢不止崩沙聲過山低欲我舟委微命呼吸持舟已轉江觜沈寒天所洩怨者但訾水天水寒拒迎鷗毛獨無毀我舟輕過鷗能奪衆隘詭區區三折江直作池沼視我吟篇未終我舟岸已抵咄嗟破浪遊幾人樂忘死縱此投大溟瞬息當萬里可惜蓬萊田而今種荆杞

白桃花二章

風絲一縕眉珠絲力洗濃粧勝粉毫烟月橫江春夢短
水雲濶地畫樓高避來弱影憐愁女含爾孤情寄野蒿
何事石梁仙路近尙餘日氣動塵囂

誰家燕子覓黃昏寒食天涯客斷魂別後江潭如此水
重來門巷悄無言一春濃露消肌色半翦涼雲護淚痕
收拾繁華歸澹漠任他紅紫滿遙村

娥江道上

天碧江雲歛風和得晚晴低山浮遠照暗柳出新鶯路
漸違鄉里春偏感客情萋萋芳草色明日越王城

錢清江曉望

薄雲灑江雨宿氣糾重陰長天少晴色春半如秋深荒
荒列遙岫破碎無密林遊風阻喧象棲鳥爭繁音客子
佇佳時寂坐神與惜良辰任天棄往悅但意尋塞蘋溯
前渚倚棹聊獨吟

春江曲

春蠶未出桑芽小野菜青黃入烟曉烟平水遠見山色
山樹連堤接鳴鳥鳥聲宛轉東風來風迴岸曲桃花開
桃花紅間李花白水烟山鳥相繚迴烟邊初日見人影
山根曲港通漁臺千枝萬枝各妍媚天色平浮變蕙翠
英英在岸波香暖曖曖當舷客心醉去年六月行歸舟

荻蘆過雨成涼秋今年二月復行路別眼看花增別愁
別愁黯與春愁聚幽怨無端落江渚飛花流水近殘春
誰傍濃陰聽杜宇

舟行雜詩十章

初日下菰樹高帘顧渚樓水鄉春入畫天霽臥堪遊浦
遠思芳草沙明有去鷗舟人慰行客傍笛試吳謳

桃花西塞色紅過峴山村明漾曉相媚春霞晚有痕
櫛頭香匝幕水尾簫通門墮露忽沾袖殘英還入樽

晚炊三白米青鱖入羹鮮殘味分童飽微醺約睡緣江
雲橫漠漠水鳥去翩翩小泊招漁話塵心一澹然

風過菜花香柳枝跪地長麥田低與綠斜日嫩分黃待
飼籬牛伏迎暄社燕忙箬川聯上下道是古仙鄉

西北帆檣下東南塔樹浮望雲天入海剗界地分流夕
泊趨龍角晨征戒石尤淒淒江上客泛泛水中漚

新市接連市人家壓市居補糧桑有稅相水婦能漁甘
壤平阡拓衝流曲蕩儲武源稱利藪誰讀利民書

芳草不解事青青照客衣美人老顏色釣者自苔磯惜
別淚猶在攀春情已違夜來苔上夢只向越東歸

春水櫻桃漲斜通八尺湖藕塘鶴鷗浴柳市女郎沽曉
色侵殘月東風長舊蕪邑侯門第改何處覓涇梧

讀句思周密

岷帆
同年

同袍得孔融

與立庭
同舟

懸簾籌畫格遞

雁佇詩筒古竹蕭蕭岸輕寒惻惻風好山入愁酌隨地

感飛蓬

晨雞喔喔鳴破霧過江城花暗重樓合橋迴四埭平漸開湖岸闊早有荻蘆聲初日楞伽色胥關樹與明

曉步吳江折得城根人家牆外桃花有作

烟氣曉薄藏難深向人含笑春不禁動宜含笑靜宜怨花裏春人與腸斷平川平見初鶯飛初日初照城草肥竹簾風妥拒山黛柴門露滑橫蘚衣春人夢春晨未醒恐有春魂貼春影魂邊陌路楊柳稀眠底樓臺水天迴

黃毛乳鴟浮過河春人出簾花在波花低綸夢愁難喚
人病傷春弱奈何出門春殘客心苦不夢晴雲夢涼雨
莫嫌折作疎鬢簪憐惜春人同此心

上巳日過錢氏息園作

儉也多金窮土木改葺名園極華縟

園本依園故址
乾隆時蔣楊二姓先

後居之嘉慶十六年錢參軍鋒
改築卽以其地爲武肅王分祠

遊者訝爲神仙宮噴噴

從人誇眼福晴天上已三月三閭邱坊巷吾停驂腰囊

解納掃花費

凡遊園者閩人索掃花
錢少許始縱人遊覽

隨例入門窮討探

蒼苔屏風萬仞石粉色櫨張玉鸞翩竹浮廊面不見根

花過人頭但留隙紅翠四繚山心臺燕睇遠攝春翠來

搖柳釵光作星動颺荷扇影如雲頽萬人海中十載地
古麝風吹六朝氣蕩人眼底冶靡思拒我胸中邱壑意
今年幾家園放春入門寶馬馳翹塵夕陽遞續夢後夢
逝水誰感陳人陳茲園主人凡四易武肅王孫今所宅
軒南奉作栗主祠斷礎淒烟散瞿麥我持寸心爲辦香
只一轉步生悲涼耳聽西院唱白紵鉏筆錦瑟筵方張
徘徊獨撫牆隅桂露葉浮浮濯吾袂十三橋下鴛鴦魂
郴管臨安杜鵑淚英雄豈逐豪華沈羈客別有千秋心
明朝春去園芳老佳酒生芻來獨吟

飲山景園畱仙閣醉中書壁

高闌下俯水高筵平對山水如鵝黃裙山如鴟青鬟絮
柳當斜陽引以風絲閒乍有數點花拂落衣袖間白衿
多少年上座珠翠環綿裊香烟心玉筵歌方殘歌尾聞
櫓枝蕩出葉萸灣萬炬浮燭龍夕露難爲寒轉使空綠
光搖眩成紫瀾以我熟場置醉作冷眼看奢麗復難甚
衆心宜大歡我心持素定往亦迷其端捫橐無黃金鱗
脯徒日餐自命姑爲仙闕劫來塵寰朗吟步虛辭一警
羣耳頑羣耳何所聆鶴背瓊珊珊

贈朱翁

昂之

翁年逾古稀肥澤如壯歲盛名阜山斗藝進意彌退華
復莊詩問

卷十二

七

大海山館集

嵩曠六合靈赴與神會奇險筆爲鑿瘴惡墨能汰寸尺
具尋丈理在足矜貴餘瀋染花鳥亦自絕妖媚登堂記
夕晤簷影燭光碎天雲汎衣綠蘚影入門翠籤軸塞牀
堵密與身肘碍掀髯踞席坐兀岸勇酬對片言洞幽窺
才指劃流派吳工競悅目骨靡力從壞毋論古法喪適
貽後起害中流得所砥高防庶免潰豈爲衆好徇區區
論成敗

孫氏隱歎園七章

過墻澹黃柳側眼看春人裙屐復今日年華非去春桐
花白圃扇茜葉紫泥裯高座傳酒醉歌聊及辰

翠梧蟾屏石虛堂面石開畫厨生朽蠹琴簾上初苦遙
夜青天月誰斟白玉罍風流孫曼叔謂淵如觀察絕跡弔龍媒

別院打流鶯飛來攬落英撥花尋茗氣背竹聽釵聲露
磴春蕪繹蘭臺午日晶有人坐闌角低唱踏莎行

不知水氣深水底繚青岑橫黛若相怨邈含清淺心蘋
絲爲畫箔桃葉助雲陰留得陰陰幕巢他雙翠禽

青載美人營匝窻荷萬莖鴛鴦迎榜出翡翠躡烟行武
子有新廟園在虎邱山麓本孫武子廟其裔孫陽湖孫氏拓基建園閨闥無故城指麾春女隊憶昔教吳兵

石盡出斜門繁花列瓦盆鶴坪皆玉色麌柵有香痕息
指長廊好陰先密榭昏變變兩蝴蝶轉轉牡丹根
人倚萬竹上高樓對酒樓酒香吹雨過樓影入江流江
上生蘆葉烟邊隱白鷗待伊蘆葉長此地定宜秋

寄六舟僧

達受滄浪亭

古樹斜陽裏古藤名賢別墅住名僧畫苦綺院鶯新宅
佛社青蓮我舊朋花柳春光初地轉寂寥琴語夜天澄
上修不借清鐘課貝葉鈔詩滿帶牋

夜坐胥門橋

抽雲天緒妙息露渚香深違翠壠參焉高涼逼靜心檣

旗風萬舸驛柳月雙禽依約簾櫳火眠花聽笛吟

爲方玉如題餐霞圖

洞仙三十六天宮是宅桃花萬樹東納袖雲香生熟翠
過山雪片作流紅高眉曉靄深春氣輕骨扶搖太古風
此客此圖宜玉軸懸之嶻嶭碧蘿中

獨飲寫齋藤花下

絡葉影籐萬帯花小樓平對遠山遮渟渟汎水搖烟影
裊裊疎襟走日華今曉簾陰堆暗絮隔樽蟲翅墮輕紗
纈吾醉眼天如黛黛色天青是葉斜

夢得首二語足成一詩卽紀夢

片雲無風天清颸一髮不動千山秋水簾高卷月出峽
蘿葉四垂猿倚樓半晌死生真湏洞三元枝幹大沈浮
蓬萊苑囿聖之宅夢中吾作麒麟遊

湖田看菜花

不向閒浜問野芳清陰一路綠低桑浮烟深作木樨色
沃露薰如酒麴香在眼幾人知此味關心佳蛤上吾鄉
連旬苦饜花豬肉獨立憑渠洗膩腸

讀曲歌五章

彎弓射天狐誤中白鸞翼不畏墮地傷但願得憐惜
重牆不隔月重門不隔心心月兩員滿照人無淺深

萬絲尙可織冰綃
賤同苧蝴蝶能作歌
黃鸝羞自語
短別復長離少年難再得
看取紅羅襦日久變黃色
園庭無花草東風亦淒冷
匝鏡光團圓不照背面影

書唐六如像後

不數徐陵工艷體誰憐阮籍托清狂
花時記過桃花塢
萬樹啼鶯有夕陽

山塘深夜

更無窈窕麗人行但有闌干北斗橫
天末酒醒愁柳永
江南花落感蘭成
舵樓畫櫓吹簫語水榭涼鑑送笛聲
香霧如紗籠不遍一雙纖翠避棲鶯

過徐氏園桂馨閣卽景成歌

洞房窈窕雲母屏新葉密拭琉璃青窄襟暗嬌葉叢燕
胞語偷洩花梢鶯花梢暖日一抹橫闌干在底烟自冥
燕外風飄水沈氣鬱遙人唱山香聲金釵玉璫廊上下
蝴蝶隨之飛不停我來獨倚最高閣繞閣萬篠春翠晴
雙桐出篠一千尺其高遠頓閭門城城根酒樓客眼醉
望疑霞色蒼無賴誰知頰紅爛霞色勺藥下布瓊蕤英
妙結古豔寫羣怨別含春緒芳余情壁間畫柱銀雁箏
靜息中抱秋潭泓欲將余情寄挑撥恐撩羣怨來糾繁
江山千里極駘蕩蕩爲此閣簾波清重簷複路一切緣

隔波搖漾成蘿蘅影容裔人娉婷頗疑帝子狎湘女
九華鳳扇交霓旌落日過牆天晚晶鄰巷乍有疎鐘鳴
鐘催車馬六街散月出樓臺百丈渟我亦歸去園門局

屢痕滿徑飄露星露憲松色蘚相媚星樹鶴語琴能聽

陸機過窯齋談次示丙申見懷五律四章依韻奉

答

一撒塵駒轡關門守谷神須知千載上儘有不傳人定
月高輝滿虛天且氣真莫憑桃李豔狼藉錦江春

世久供君玩胡能結習忘鐵簫歌定子綺石拜元章醉
眼相看白河流不盡黃絃聲憐已澀爲爾一更張

偶彈清夜淚頗憶素心知樽酒看天遠深山出夢遲殘
燈搖短榻獨繭引長絲那分滄洲雁親傳寄遠詩

空山風雨約萬古定何年清淨爲初地洪荒已後天他
鄉今日事小結大生緣願戢醯雞舞從吾甕底眠

原作

陸璣

不是江山助如何筆有神重君遺世想呼我謫仙人
心澹才偏豔身狂性最真杭州歲除夜憶否買青春
隔歲不相見懷君無日忘借眠有邱壑自慰只詞章
夜雨燈花綠秋山樹葉黃擁書誰是伴竹榻一琴張
共抱邱園志襟懷各自知雲閒歸壑穩泉潔出山遲

廁信廬嫌敝潘安鬢怕絲詞人窮益好拱璧一囊詩
名已傳流輩身難恃少年花間輕白璧杯底問青天
莫忘湖山約多聯翰墨緣殘秋風日冷珍重夜深眠

贈陳明府丈

文述

四章

紺月射瑤島華屏闢雲漪爛然天吳衣靈葩挾之舞瑣
骨中琅玕流神極媚嫵還景吸內液砂滓猛傾吐萬宿
絡珠采河繩自準矩水鷗志琪林顧影怨弱羽

詩堂卷秋幕空色浮明熹風林絢晚葉露草紛夕庭穆
古澤鬚鳥威鳳翩其儀微譚汰外氛靜想蟠衆怡謝安
渺典午流韻今綯茲若躡絕塵馬絕雪升峩崿瑞峯照

寒削蒼烟空九疑

意氣夙凌鑠才譽走無腥卮醻吸月魄佩劖炯潭影青蓮幻掌指妙香發俄頃葩羽入鏤刻湖山助明靚中年隱薄宦相治挈樞領導渠洩上源量地闢蕪町惜哉汙血驥櫨輒縛難逞西風橫漢來朱鳳去高迴濯笛九湘上振衣五峯頂

商籟出西昂萬綠掃如雨至次接明澥流爽布層宇乃知刊其靡淳悶始還古元龍根夙慧入劫閱愁苦晚悔得堅定守道絕齟齬詞綺謝青兕神超秉元塵太華懸明蟠瑤琴倚松撫采芝有仙客棲靈眇丹侶流聲忽中

感凌飈想鸞舉願炎雲和笙相偕奏大呂

珠明寺

侯王無遺殿城闕滿斜曛巖巢何年寺荒涼隔市氛
光浮宿雨鐘響動高雲寥靜僧初散庭閒草自薰

華筵曲

華筵雲緩聚香麝紫榭青蕪春入畫天魔八隊奏霓裳
鳳譜吹笙極嫣妃美人顏色殊桃李餐嚼紅冰羞月姊
潛能削俗秀可斬纏骨輕膚潤無理結玉爲意珠爲情
流韻千迴心寸死高樓沈沈坐闌燭三星在天照醞醕
鶯絃七柱合歡曲荷華四榦露華綠烏鵲愁雨鶠愁曉

隔幕鴛鴦自深指偶通幽語耐含咀相對沈思轉淒獨
山鬼睇笑挹蘭裳水仙瑟瑟明月璫芙蓉神女窈窕粧
各抱神意矜顏形霞鬱綵布天闕爛然九地生奇光
還看孤影倚燈壁脈脈依依續難極生憐翠葉易成陰
三月東風媿殘力

娘娘篇三章

冉冉雲縷娘娘天孫涼夜何俟裴衷於門纖睂畫黛春
月初痕銖衣六褶蕩爲水紋怨之偶露意識所存孤懸
菅葉鬱兮誰論

冰紹如烟斜月橫枕綠鬟乍低欲墮釵影倦昧不舒若

醉方醒

媚百端變之俄頃疏柳在簾鶯語初靜下有
闌干露華苔冷

情好蘊結外動若疎流神忽觸味之有餘水平烟靜朗
見芙蓉遊颺遠汎得香自虛夕霜涼賓惻惻感予載歌
紈扇攬子之祛

題韋光_韜在山草堂圖卽贈

阱虎不肉氣疲餒縛馬芻槽負鞬轡丈夫生命稟素賤
何益于秋姓名貴二何山人左司後得氣於古殊近才
骨相柱石海門立神光洞月天牖開醫經樞素詩甫白
緯以方寸纖鉅該黃金如礫滿天地連雲但築歌舞臺

十年貞守美人老顏色在鏡生慘哀飄然引去謝塵市
綺角精靈通尺咫且安榛棘巢鸞鶴未厭牢欄溷羊豕
峯巒擁髻皆面樓門前江水日夕流荒蘿幕徑遁山鬼
怪樹偃壁交文蚪種花蒔藥有經濟擁書席畫無王侯
往來自聽友朋樂飢寒且諉妻孥愁太陰餌髓飽真液
鹿盧百鍊非良鉤昔年風雨蕭蕭寺匝地桐陰磚秋翠
高樽華燭坐瞬刻七載離心俱夢寐晚鐘一聲南雁落
把臂重逢此高閣僂僂道氣挹逾古絕俗鋒稜自寒粵
依蒲借鉢論身世汎浪萍根各無著瘴木露草瀾淫淫
寸土與潔天之心君毋改志出山濁我將歸遁烟海深

蛟龍迴護安期宅
門外蘚苔積如鐵
何當與子結鄰居
手斧桃花煮白石

五人墓傍見杜鵑花

春色盡零落杜鵑花自嬌枝低皆日向力弱易風搖碧
血爲誰化丹心殊未消我來瞻遺墓卽此想英標

劍池

凝雲閉厓色古木交礪陰湛水炯毫髮吐納苔花黔持
身危下俯久立神蕭森精氣鬱思發誰爲闢幽沈重壁
破難出負此耿耿心

生公講臺

峻嶒一片石太古含內堅坐閱往來迹恐如微塵捐俗
意信難化至性幸獨專我來猛焉省事往心嗒然日夕
露華滋微風開白蓮

江都李育過訪寓齋縷談近況詩以慰之

年壯氣先餒命在貧難逃碌爾冰鐵心苦受塵沙撓懷
中禿毫筆銛過并州刀鏤刻極無內元象耽其勞每擘
一幅縑滿意千金褒出入公府門上座矜布袍浩然空
山風能抑青雲高漸慚微技名終非名世豪仰悲西日
馳醉作蓬首搔還歸廣陵郡巷曲春生蒿簪狗妻孥居
不越門限牢絡緯苦短聲已罷秋烟縷破戒爲近遊手

擊蘭陵橈似鼈山塘春七里開綿桃十萬黃羽鶯舌轉
銀簧嬌大賈多珍珠百珠穿一絲賭俠鴛鴦樓選麗芙蓉巢誰來人海中聽汝淒涼簫城西黃九娘昨漑新甕
醪且求過量酣去射天平雕天平天颺颺月挂長松梢
石屋如洞天星官樓元榜與子共師事學種仙芝苗俯
見逝水昏蟻夢浮萍漂可憐大澤乾一瞬歸爛焦此詩
置君篋祕之吟毋囂恐使僉父聞而謂相如嘲君歸葺
鉏未我還謀畚櫓後此天涯蓬肥瘦且弗料

題周泰浪跡圖十二章

元氣灑烟色天水晝不綠但聽秋林鴟啼雨亂荒谷清

響何閒寥影蛻仙禽遙雲黯失靈態松頽無古巢二陸
骨已朽壽世空微名琴夢不可招月白霜華青

華亭訪鶴

掩篷月在水開篷月在船人影在明漪月影相迴旋上

溪楊柳青下溪荻蘆翠雲掃天河晶風篩露葉碎欸欸
木蘭橈搖搖隨鳧鷗長空落孤篷隱隱城上樓

青溪棹月

由奉地也
卽青浦

蜀土如鐵沙鹵白上浮雪暗氣生魚鯉咫徑海銜齧龍
雲吐華蓋未瞬布千里風急雨喧箭潮陣壓山起策蹇
相送巡停居誰閔傷猶是宇下人白日被堂堂

海角騎驢

客淮南草堰場志海濱風景也築土而居曰埠

長江千里帆去日一杯酒淚短酒同盡心黯若秋柳近
知髮早白不如柳還青驚秋尙有雁歲歲一南征北雁
幾南征南人遲北返落葉吹望亭夕陽滿蕪坂

望亭送別爲

送陳芷淳

入都作

黃浦支具匝其尾洩海門銀光走蜿蜒風納潮爲吞早
潮山洶翠夜潮月翻雪凌虛槎在天截岸地無岳凭舷
決遐皆秋色萬青了九峯割破碎烟影警江鳥

申浦揚帆

志士蘊奇略若劒歛芒彩礪刃頡干鎮昂值輕百琲薛
燭不入市朽鐵笑其儻向隅自摩影纏臂掣秋電一擊
雲隼落再擊霜烏啼靈池久乾涸爲龍將安依

金圓擊劒

太邱今龍門子君爲父事夙愛越庸格真在非倖冀節

帆下江渚朔風高方寒何期飄泊中得慰平生歡擁裘

語篷燭霜氣逼鬢冷燭熾江月斜冰岸葦無影

雲陽話舊

丹陽遇陳雲柯

中丞南還作

地脈綫路旋天關兩崖翕歛筈如涌潮上作雲氣濕宿
雲歛未淨新翠相鬱吞飛猱擊遊隼日色青渾渾推雲
出晨潔荆湘拓平掌萬里入寸眸一碧去明和

竹嶺雲黃

豫章在

文字如珀芥生殊氣能名仙鸞馭雲下鏡翟展睂笑華

館敞浮碧

浮碧館葉君別墅也

桐翠在榻琴河蟾燦秋色桑落豪

巨斟晨星忽四散驅蛩各棲止湖鶯無新社天鵠有殘

紙 葱水聯吟圖中葉小譜鴻臚暨
余也辛卯夏日共客鵝臈所作

城郭十萬柳秋蕪無寸綠涼風激荒角已非舊絲竹蜀
岡隱樓杪瘦黛若病女其外空水光煙平氣吹雨白石
攬愁鬢紅舷夜深扣慘澹畫中月含露上衫袖紅橋讀
畫

飢寒迫離別雲雁各江渚孤燈涼夕幃草榻夢聽雨楚
山高倚天不照睦川水形睽神與構望至意難委中庭
棟棣鄂韓韓交跗紅何當共解笄晏笑怡春風雉山憶
弟

大
海
山
館
集

弟幕遊楚南

淳安時作時其

復桂詩問

卷十二

十六

大海山館集

瀧石礪冰齒山龍抱煙睡練宇變空白列落萬林翠上

灘絕飛鳥下灘無釣船危篷敝寒界玉色浮四舷翦蠟
圍酒朋狂歌激虛響雲陣忽向南殘月露微朗

嚴江泛雪

醉書浮香閣壁二章

一堤疎柳傍城斜入夜微霜警獨鴉明瑟簾櫳收水木
嫩涼衾枕夢煙花擬裁白紵邀箏社遙識青山對酒家
月地燈天三百舫生愁痕雨送繁華

文杏空裁燕子梁明荷自照畫眉廊酒醒殘月愁禪鬚
山抹微雲認墻鄉撥淚怕翻宛轉調輸心誰燕迭迷香
才情我較司勲減倚扇矜持未敢狂

前有一樽酒行

飛絮不怨春意薄落花不隨流水深一杯酒作千回斟
風來動月波生襟襟波潔潔眼波媚好風催醒月催醉
欲醉未醉歌未闌風隨潮去月落山襄哀不歸復何俟
弱質能勝幾回死

白紵醉

升牆甲士腰束刀樓中美女方倚簫江淮流民索船渡
十萬金輜在行路下不得潛地穴上不得升天門一壘
良醞千歲恩明月有影花有痕西施臺上無黃昏

述聞

素頰居然傲粉侯錦衣僕從上方塲鉏釗改築蛤蠣館

復莊詩問

卷十二

九

大梅山館集

星露重開鵝鵠樓蘸墨塗鴉貽便面挾金抽馬賭繩頭
未防風雨尋花劫貶作南冠對泣囚

山塘酒樓

頻來側鬚聽吳騷漫記啼痕滿絮袍柳外蠻聲喧市路
荻邊鷗夢靜漁舠過筵鐘急燈齊上入幕山明月漸高
煙水漂花香不盡美人如蝶夢魂勞

雨中遲潘公子曾綬不至

晨雨續宵雨羈人思故人重簾聊自卷杯酒與誰親城
遠深嵐氣風低漾水蘋須知徐孺榻待爾掃煩塵

扇影詞三十八章

黛石藍脂畫不如嬌啼宛轉掌中軀十三年紀鵠鬟綠
莫是燕京李夜珠

齒苔心情豆蔻年春波如醣照蟬娟停驂一顧鳴珂曲
可有他時汙國緣

香桃作骨瘦難支倩女春魂弱自持枕角斷紅收不盡
藥煙茶氣繚絲絲

黛色分鉗秀可餐暗芬融息似春蘭玉蕤緊抱香心露
著意遲開怕早殘

遊戲天仙謫上京不從花婉借棋枰袒衣醉打關西馬
密院三更有笑聲

玉蕊無言耀遠春東風一笑賄千緝倘翻瑟瑟屏風譜
先寫溫肌小鬢人

病裏啞魚肺不涼慵來小髻擁愁粧玉壺一勺靈芸唾
應有仙壇紫柰香

珊瑚瑟瑟佩明璫可是珠簾第四嬌一襲青黃魚子纈
東風吹作杜蘅香

慣噓蘭息裊瓊蕤動若癡迷靜若思墮絮尙容流水蕩
難禁風力是游絲

一桁蝦鬚窄地垂病痕疏到遠山眉經秋顏色黃如菊
絕似當年金樹兒

龍薰雪色漾冰紗忍向蕃釐問舊家不醒阿麼蝴蝶夢

玉真偷過隔江花

彩雲小隊壓天魔瘦影春鴻掠月過敢似櫻桃讒石虎
帳中倒授有金戈

翠地猩紅耀錦裙豐肌灼灼照芙蓉掌中難覓昭陽燕
怪底劉宮嬖媚猪

晚翠風神劇曼殊影煙翠水含歡襦結襍尚未逢張四
敢效酸齋誚買奴

錦麓冰瓜養睡初月牙橫几倦晨梳綠翹早嫁徐君荷
定壓繁華北路魚

織蕊梳花願已違宮聲顛倒十三徽不聽落葉迴風曲
猶道江南燕尙飛

錦盃夫容四幕花密樓藻井一層紗淒然擁髻樊通德
坐對伶元說趙家

紅闌宛轉段家橋媚向東風倚病腰側鬢西冷看山色
水蘸花影上春納

暗迴微暎瞥狸奴絕妙紅闌午倦圖還惜畫樓羅帳底
昏燈照夢落春蕪

玉紹鳳紹手親裁弱夢隨雲尙夜來一樹辛夷金綫卷
垂花門角有蒼苔

分明舊淚汚重茵
轉覺相逢一笑親
博士不來中瓦住
師師門巷恐無人

手撚楊花怨薄情
免嬾生小住
州城春江一舸辭家去
兩岸黃鸝與送行

慣將笑眼送流雲
僊髻微紅似薄醺
江上芙蓉烟水闊
有人枕瑟夢湘君

褪盡細枕春不妍
碧蘿門巷有殘煙
西風入夜燈如豆
只擁寒衾聽杜鵑

無雙國色楚蓮香
細擷煙絲織藕裳
記得櫻桃明月底
醉翻花影捉迷藏

監酒司杆事事宜笑翻新語論蛾眉太冲著作驚天下
但遜安仁玉樣姿

羞解羅襦搭畫縠玉蟲遙夜媚銀缸阿誰手挽波斯女
醉裏看陳大體雙

鏡裏花光慘不紅疏燈滋味問誰同可憐一翦秋娘鬢
吹向飄蕭落葉風

暢好燈初酒半時十三等柱籠紅絲湘花湘草飄零盡
畱得殘雲護竹枝

天寒補屋苦牽蘿舊袂香痕已未多嫁與東鄰沈和甫
一生受用是清歌

舊時簾幕只鴛眠打槳東歸已隔年聞說語兒亭畔柳
丰姿瘦似顧娟娟

輕煙散盡夢無多六格文疏抵絳河知否周家紅藕婢
至今能唱洞仙歌

自掃楊花葬蝶裙簷誰與夜深薰眼看江水成秋色
吹到魚鱗是斷雲

最宜簪菊一枝斜石翠秋衣綠鳳花應是老蓮紈扇本
獨含古媚掃凡華

記從漢上別晨煙悵絕雲英玉白綠夜雨打池荷盡折
不畱片葉護鴛眠

羅薦秋涼染碧埃夕雲不捲黍娥臺蘭若枯盡歲蕤葉
曉有啼蛄弔月來

夢魂不傍漢宮遊約略明妃塞外愁關雁一聲沙草白
起彈銀撥唱涼州

暖翠琵琶玉叵羅十年曾此聽清歌貼屏一褶鴛鴦被
知有涼燈照斷荷

山塘花神廟觀祭代迎送神辭

娛良辰棄明穹陰禮具陽釋豐大厥造化者工浹氤氳
類誠衷泣淚咫尺詎夢夢司鋤姥執灌翁潔巾襟羌來同
媚下轄楣上供藻網翠縠幅紅構承紺桶偃形牖四入

星辰通復以道阿房虹表以廊連樓聰翼如磁冒如幪
堂王照城金墉百級遞闕重重綺脩藹神所宮週步障
惟樞桐冠五偉秦壇松森靈衛雲鬱蕙神搘璧儀妙丰
兜率佛瓊瑤脣女姹女童嬰童司簡塵左右從侍十二
時與調徒紅切嗣驚鴻婉游龍威宜南施非東左思妹貴
嬪封上官女隸昭容爲妾素爲倡穠爲尹邢大小馮免
撲朔雌偶雄張之柳謝之蓉芳蘭吹競體風的蓮跗殆
昌宗流眄交媚纏纏揚暉笑秘雲蹤絃愁悅羣媒供馳
百蕩魂惺忪嗟此豸洵古媿膺職守廡祀崇酒旣歠神
來憑符風切猩白脣駢紫峯縷吳切滑湘茸佐齊醜粢及

贊櫛柳移蓋有饌期飽福御毋桐樂旣奏神來悰絶疏
瑟簾遞鐘排笙翅參差筩含唧喟茹喈喈無射正大呂
中愜窈聽汎亂終舞旣侑神來離灋夔犯師巴賛薔蘼
蕤珩瓊璁橫桂綢芭相縱六翟眩兩垂墉歸行部銘肅
恭迺序齒戒紛魄齊鞠膺抱愚憲虔祝告期聽聰伊朱
門敞戟釐方丈讌儼王公明月林珊瑚扛結扇蘇藐蘅
芷驕九錫寵華禮洛陽侯貶附庸幻頃刻珠滿籠惟爾
神相折衝伊畫樓嬪娟寃蛾睂弭矜無雙餐豆蔻枕水
漢丁香囊牢紫絨怨溜叙晨鬟鬆衿挿戴背殘釭奈何
燕可憐蟲惟爾神相薰釀伊酒人木蘭牋伊公子桃花

釠帽彈絮衫翦淞打鴛鴦呼鷄鱗江南春采采芳楊叛
兒淒淒儂儂將離狎乍逢惟爾神相突撞爾神來波琤
搢翡翠翎颺旛幢爾神止暘瞳曨邀蜜官繁香鬢爾神
去颺佞性誅蕩蕩天門狹胡然升而鳴龐胡然降而蕙
龍臣不才慚昧蒙敢作詩陳芝房符風切朝扶桑夕崆峒
協萃鬯宣豫功太平鼓鳴蓬蓬億萬年春無窮

柳枝曲二章

水雲如雪堆滿窓柳枝搖空鶯一雙桃根隔屏墮團扇
蝴蝶催歌拍箏面亭亭繡骨削玉荷疏裝不整煙斜拖
深杯醉人明眸語四壁花聲弄微雨有情無情誰得知

遊絲暗裊魂遙遲

月眉挂樓遠山夕蕉簾微涼卷秋碧約燈風軟宜洞簫
春棠吹影紅生潮薄衾麝氣都成水香海無邊夢潛委
畫漪拓掌鴛鴦行輕絮一層花一層歡深歡淺誰能料
芳草年華怯斜照

送沈別駕士珩北行

渚有船廡有馬黃金壓裝走天下月有夕花有晨青樽
壓座驕陽春人生得志須年少况爾聲名擅才調新辭
勑體楊白花佳姿隨身李清照明朝七月秋柳枝滿城
風颺颺招我一飲閭門樓謂將遠上黃河遊黃河柳枝

沙月白閨門柳枝女兒碧生愁君去吾夢孤尙共今筵
醉何惜一杯續一杯笛聲故緩斜陽催斜陽移過隔江
去亂葉忽漫當筵吹亂葉離樹君別我孤鴻將飛燕猶
坐人生萬事無不可相對胡然淚同墮何以贈君千里
行解吾帶上純鈎青我于此鈎媿無用爲君拂拭要平
生眼無荆棘莫輕試路有波濤莫輕棄人非薛歐莫輕
示君行我擬歸蓬茅栽花種藥鋤還操看君展翅搏雲
霄

夜宴青鵝水榭聽八琵琶合奏月兒高曲

樓臺不暝煙作漪藻香滿郭蘿屏低美人亭亭隔荷葉
復莊詩間

卷十一

三

大梅山館集

彩光拂拂當楊枝金尊酒滿客初醉夜渚月明鵝鵠睡
江遠星稀思雁翔風靜窓疎看螢墜羅紈接座含迴情
斜柱十三抽鉗箏一人一曲遞相奏誰撆默坐終宵聽
三十二絃八十指折軸量聲互停止侍酒鳩童神若癡
貼壁蛾兒氣先死教師點拍絃始鳴推宮却羽歸一聲
濫響齊抹白翎雀乳舌乍調黃毛鶯縷縷絲絲經緯析
琤琤琮琮玉泉滴緩忽相追忙轉閒動與依依靜脈脈
東筵西筵平睇交高燈下燈遊絲飄吹雲過肩各翻袖
抱瓊置膝都齊腰紅桂金魚脫宮鎖憔悴嬋娟委秋鬢
仙臺潑露么鳳啼闌海霏塵素鸞蟬凌波欲來猶未來

百迴搖曳空青闌沈思及細條如會繆愁漸緊難容猜
此曲生平吾聽寡何料當前盡能者生憐粉黛彫尹邢
一例文章誤董賈手持大白重酌斟翠簾半下涼沈沈
湖心西寺送鐘梵城看北斗橫瑤簪山川寥寥渡無鵠
水天迢迢夢須鶴有技若此神乎神今夕之遊樂莫樂
夜坐獨酌作三章

李白已逝無酒人桃花落盡無陽春三更雨裏一杯坐
萬戶酣眠獨醉我醉還續燭三寸長牀頭灼灼吹劙光
狂歌不得真宰聽文字存亡亦關命何如入市從屠沽
埋名飽煖真丈夫

癡童搥牀夢中哭日飽三餐那知福芭蕉葉大來戰風
意何未滿爭雌雄我能和汝蒼玉笛恐使孤猿墮淒魄
醉中心事如海濤風頭愈過激愈高美人弄花滿城闕
今夕胡爲不明月

朱門挾瑟多瞽師成連獨調宜違時天雲湖流兩寥寂
酒角殘燈對星碧樓上軋軋烏鵲飛樓下嚦嚦黃雞啼
樓中酒人炯無睡一寸清明萬金貴百年一夕誰短長
梟獍不入華胥鄉

葑門水亭觀荷四章

避暑陂塘曉放舟蕩田十頃足勾畱深含秋意難爲月

低抹雲痕不到樓萬葉涼紈人却扇一生清夢我慚鷗
移橈喜傍漁臺住坐與兒童試釣鉤

錦帆夜讌憶西施紅牒宮人踏漿遲細骨難扶生恐醉
薄鉛易褪可憐姿暗將宿露收茶銚略有微波汎瑟絲
舞袖何從徵白紵且庖銀鱠坐芳卮

一鏡晴漪漾軟羅傾脂莫問舊時河橫橋斷處沽帘出
畫閣明邊鬢影多可惜鴛鴦無次第儘渠楊柳自婆娑
繙裳窣窣誰家子置簾蘋陰枕綠哦

碧城上界住宜仙那得微之詰水天菱汊鳴榔三婦曲
花觚遞酒六娘船疏煙靜箔扒孤翠暮日遙山送一蟬

小醉添衣歸亦好香風如櫛玉垂舷

寓齋雜述七絕句

夜合破花紅露傾東樓簾悄弄殘笙隔簾一曲娥眉月
敲動玉鉤疑有聲

竹爐石銚試新茶蠟眼聲中泛碧芽却喜客來如陸羽
共憑小几看荷花

列畫深堂坐拄頤壽門恣逸兩峯奇新羅體格尤清絕
春水纖鳧唼柳絲

夢回冰簾晝方長匝慢疏藤靜得香蝴蝶漸催斜日去
空階狸子怨苔涼

西鄰小女子珠香十五年華解鬪粧粧罷倚闌無个事
只拈茉莉嚼檳榔

青樓殘夢了薔薇隊隊黃鶯過市飛輕雪撲眉西葛軟
漫郎晚向酒壚歸

夜閒倚臥水南屏雲纖天河漸單星怪底荻枝能奏曲
貼煙招雨一蛙醒

虎邱山樓納涼與高文學欽談詩戲作

名山坐擁華貴氣直使南朝慚俗麗湖田百頃十萬荷
煙外微窺一仙髻茗香未靜風香來茗底簾痕綠搖曳
翩然獨燕捎影過乍可游絲墮空際袖中攜得船山詩

輾轉吟哦厭粗厲馴熟倒挂非鳳姿涎面橫陳同蠻味
文章要有元氣包那及零星數金幣有翁紅鳥真老狐
禍魅翩翩佳子弟頗贊侍御稱軼才竟肯輸心受蒙蔽
當時並駕洪與黃赤手持鑑勑門第陶園恣肆惜抱醇
背面同爲尹邪遷揭泥丸丈方出金一髮千鈞藉牢繫
竭來如宋如彭吳差許追陪兩廡祭子秋詩獄疑案多
甫自重生亦難更使君脫不嫌我狂喋喋何辭吾舌敝
天下人才今數誰能爲昇平作祥器朱絲疏越鮮共
彈恐有佳人默流涕高君對我爲解顏手展羅紈拂蕙
翳猛鬢空鐘大澤迴漸聽繁絃畫船逝君去拾蘭吾采

蕙一寸騷心含古媚明朝置酒來續談當禮
榜嚴饑嘆悲

燈船醉

舵樓木蘭舷沙棠四周玉柱銀鶯肪闌干八指玻璃障
糾繩軟碧捲流黃船頭紅錦披旗袍牡丹壓繡么鳳翔
船尾列甕花兩行窄簾齒齒如排簧船身丈八華池方
朵恩窟窺開洞房盧家玳瑁文杏梁燕子交織蜘蛛來
高燈低燈圓荷裝大小三百承以賴鑾珠上撐牽牛芒
靈犀下發龍宮光湖不得月天難霜山無點露波無涼
晝橋斟酌春未央荀心並坐宜鴛鴦歌船酒船環一塘

船爲亭榭塘爲廊明渠咫尺通星潢誰從白地傾紅牆
芙蓉勺藥東西廂蜜蜂銜尾蝴蝶狂洞庭海南羅妙香
荃蘅蘿蕙皆庸芳邯鄲下蔡名都倡桃葉竹枝杜韋娘
飛鸞釵髻麻姑裳步搖瑟瑟垂補襍非瓊非翠非明璫
鈞新索異窮飾粧換聲歷歷搜宮商笛孔自小等絃長
揜迴紈扇拈帶囊吐納豆蔻含櫳榔就中慘綠人六郎
結羣三五來周章匝船十二昇風張宮樂雞筭官厨羊
玫瑰軟具鷺粟漿雉臯喝門崑崙觴神女出洛靈妃湘
控扼巫峽摩高唐魄能捉搦魂迷藏魔軍狐陣相敵當
萬千遊俠爭一場男看女目勾狎忙烘嬌炙媚無限防

要使羣眼饑雨旁失心奚止羞恥亡一船一夕兼金償
百船百夕誰料量向東逝水流湯湯鷓鴣飄雨鴉斜陽
繁華世界溫柔鄉青年灰燼白日煬泡形幻影馳雷硠
來時歡悅歸淒傷直從夢底翻蒿邱豈真結病深膏肓
名醫莫索扁與倉君不見有儒破屋陳縹緲有婦蓬髮
持蠶筐夜膏不繼還然糠明朝空釜愁無糧

天餉行

吳俗畏神逾畏官恐益冥謹違神歡天餉之制肇何自
遯爲歲例長不刊道人絳袍七葉冠執符來自三茅壇
稽查口數造編冊量貧酌富求疵瘢村坊有首巷有長

各司其地催納完楮皮市價同羅紈金模銀範高堆槧
分頭齊赴社神廟稽額焚告歡聲擴靈車隱隱天門端
華旗五丈螭虬蟠真皇撫鬚降顏色空煙迴舞雙青鸞
歎牛庖鹿迎上鑾琢玉爲俎珍珠簟燭屏華茜交紅珊
香球百縷芙蓉搏硯姑鳴蠶喚陰月朝天狐髻新鬟鬢
咒辭秘宿無謔諭似爲民白精力殫錫之飽煖常平安
災無焚溺無兇奸或作狡猾藐科律遲迴抽減來觸憲
火犀赤眼透九井呼吸不得雷霆瞞女青執筆驅羅犴
泥犁五獄刀嶠屹籍爾家室戮爾嗣幽囚骨肉誅心肝
斯民乃懼乃懲戒低聲唯唯容淒寒擔筐挾鐸恐人後

擠肩狹路爭鬪譖其匱乏者窮謀鎖典物鬻器忘衣餐
一傳萬閭蔽城市若狂若醉無從攔道人豐頤垂兩鬚
弟子執拂童司幢巍峩紫館歷朱邸洞庭入牖環明鑑
暮擁勺藥朝斟蘭醉騎銅虎摩琅玕千箱百斛均匪難
罪章詎惜功曹彈奈何當道瘡且智聽其妖惑民受剜
化工大造納羣有奚資瑣細彌歛單卓哉文正殿淫祀
整飭薄俗今所難何當痛洗眞宰辱鞭龍遠吸崑崙潤

復莊詩問卷十三

大梅山館集

鎮海姚燮某伯甫

東魏天平四年四面玉佛象詩爲僧

法秀法延受作

帝身捨佛史所無二法造孽安足摹

法秀法延受作

倘援太武

作龜鑑如何竟使臺城蘇斯家兄弟東魏產太平丁巳

始造軀銘云七世保如意下及存者禎祥俱

皆象座所

銘之辭

高徑周尺尺二寸量三寸羨其側隅一十四象佛菩薩

光明古月澄眉鬚糾修於頂妙華髻的樂在胸瓊瑤珠

牟尼多寶梵天相端好不假銀泥塗土花澀縮抹烟色

井泉碎鬢苔痕枯誰將鸚鵡畫羽綠施施漬上紅粟膚

新安城中五明寺漸江遺墓梅花數

新縣五明寺爲太平十寺之一有梅

花老翁墓蓋卽明季諸生江船披
羅於此作僧名宏仁號漸江者

西湖詩僧老行脚來

歇包擔瞻浮屠銅龕香象秘塵萍網紗四胥青蜘蛛重

爲拂拭出晶采若揭龍鉢開明蟠昨還吳下持示我六

十三言文非誣二千餘載幾兵燹此盟竟不金石渝永

平以來溺西教慈悲密咒頑鴻臚太和建德迭慾禁沙

門餘黨多伏誅李唐中葉復流布咸通速禍真堪虞其

中造象萬萬億如風卷礫飄矣徂幸存頑質免澌滅撫

摩亦足資閒娛謂宜皈戒勤供養彼倅福者毋乃愚僧

今自喜肖以印相印吾得吾塵塵刹刹妙解脫證

遂於達真如如

陳頤道爲作記云造象者名之受得象者達受字派相同當爲達受後身三

乘無等諸默願刪偈辯防謫觚幻相必挂大千曉一

彈指頃陽西晡樓臺烟雨六朝寺四百八十誰存乎與

僧往刹綠扇葉賦堪飽腹名蹲鵠我還捕我水田蛤僧

如不信投爾鋤

鴻叶錫
俞切

喜屬山人自禾中來得詩四章

逐役情寡諧身真異鄉贅雖有龍文梭與人織山綱公
幹吾素心夢寐有交際相際同參商何由愜夢寐羣機
巨以危刻責到微細敢資斧鎗強搜薪及椒桂聞君客
繡州舌亦近愁敝湖雨不遂塵旨灑逆風涕安能抱襟

來與我一牀對一燈兩影親萬事聽乖戾

曉起餽方罷倚閣山川清忽於鳴鳥中叩門驚子聲急
燒破旣飯瀉之尊葉羹畧拂晴和風吾已礲砌平昨宵
月夢寒夢汝烟江行安知汝寸心先傍吾几檠隔檠十
萬花春滿夫差城何於萬花界戀此孤竹青我竹子鳳
凰我能媚子鳴子鳴人耳尊聲者但聞鶯

判袂芙蓉江真如箭離括望君千里眸怨爲亂山奪而
今得倚依復何感沈闋當如薦在松生音勉同活列饌
供飲饗誰還料飢渴豈其燕羽單無阻海天闊子前吾
語子人生貴自達眼底木葉榮知難避秋肥秋來子不

知秋在我心未將心挂子胥毋云氣疏豁

惜無葉石林

謂仲蘭

來續白祠社往歲徵逐流當路幾存

者君髯白已斑我髮禿就寡忍於深柳陰對此綠盈把

柳邊春正酣纖鳥語嬌妃何以豔日光不照破屋下明

日閨門市與子貰塞馬芊芊多蘚蕪莽莽入原野蝶

吾帽棲遊絲子衣惹漫感羈人羈聊爲治遊冶

贈戈

軒

吳下老詞客上頭白髮多愧無長劙贈奈此短簫何到
地悲黃雀當檐裏碧蘿湘君今已悴要沒夢湘波

過徐

株

百花巷寓齋招同楊解飲

拍壁幽篁響凍絃蹠階小鳥語空烟吉祥金石盟新雨
生死知交感遊川時席上與徐君問及舊俗多歸道山者高柳無蟬供午
吹大魚如鱖上初筵短衣不稱僂僂舞醉拂苔衣當席
眠

錢參軍

肇錦

招同屬山人秦比部

芝庭

泛舟虎邱

作歌

在岸但有楊柳絲在水但有荷華枝蒸霉天氣入五月
五月猶似三春時船簾不卷搖微颺袂有蘋影簾爲漪
水香不從蘋末出却從人鬢遙相吹人鬢千鵑插花朶
人袖闌干淺綠垂淺綠入蘋鷺舒眼花朶把龜玉照卮

船娘打槳自聽曲
越客對酒惟吟詩
入灣頃訶夕陽盡
出橋漸得明月窺
明月在天燈在水
水天燈月交澄輝
燈光離合粉荷面
月影朦朧黛柳眉
心簫語逐燈遠
明月獨送吾船歸
吾船迤邐碧城下
城根草濕多螢飛
城頭雲光千里白
照我船背嵐霏霏
詩成吾醉客亦睡
清夢不與鴛鴦知

楊山人鑄作畫梅仙歌見贈詩以答之

冰雪不作六月涼
俗心但憶桃李香
行雲流水滿天地
不知世事誰短長
先生呼我爲仙子
知否人間春已死
春雖已死吾心生
能攝春心到吾紙
墨華暈作昏黃烟

先生在側揮七絃一絃一聲一花白斗室環花山萬笏
忽於絃尾聞鶴鳴鶴背高花動明月魄香如醴月可吞
我畫之魄君詩魂蓬萊真人俯首避人天蠹蠹何足論
虛空不礙長袖舞花底波濤走風雨風雨聲中萬夢漂
夢見花梢玉鸞語

原作

丹徒楊鑄子堅

玉虬夜飲靈潭水噴出珠璣春滿紙騎牛吹笛煮石
翁五百年來神不死某伯丰格如元音醒眼如醉神
洋洋愛梅合眼測梅理一掃百紙花低昂枝頭明月
情惆悵照汝橫眠作羅帳倒騎胡蠻入界浮茫茫花

海雲濤漲詩筆天矯如梅龍一洗臃腫氣玲瓏虎山
一橋畔執我手兩枝健筆俱凌空尊前訝我頭未白狂
名久播谿南翁畫船粉黛休顧盼酒徒性與青山濃
何時放艇縹緲峯與君一罄平生胸

錢舅氏陳明府廷勲之漢陽

長船欲放千里初殘暑將收六月旣交烟疏柳臘春痕
過雨遙巒入秋氣春痕不斷汎水綠秋氣直接晴川青
樽邊亂蘋雲片片夢中獨雁江冥冥客中送別難爲情
醉裏分襟可憐夕莫將漳阜仲宣心寄到歸州屈原宅

寓意四章

羈人有達觀勢難羣擾敵秋陽能鑠金胡由恃冰雪捫
懷擇去就沙塵互衝擊縛龍待屠劙磨刀水先赤長嘯
望空遠垂天似垣碧金烏尙難駐何由寄鵬翼

移想若有屬願在天故違瞢瞢已猶惑惆惆將告誰握
表測弦月魄隱無蝕規道路重形相但譬光明虧潛神
自貞素運息通希微移蘭置他室不掩風芳菲

翦楮染丹黛幻作好女形相風引之舞流媚如有靈侍
巧致文僞衆愛方與傾桐枝匿撼鳳不敢揚其翎負霜
氣蕭索啼月聲憂寥

鯨波涉汎濫隱隱見壺嶠金翠揚妙華白晝有蟾照孤

峯明瑤色六合轉晉窻水仙抱虬泣山鬼碧蘿笑雲璈
寡旁和拂指變商調

同錢叅軍遊橫山暮歸

羣峯插天瘦千束瘦比吾園四牆竹以池水寫清深
山亦寫之大湖綠環我山中如竹中但有秋氣無秋風
忽收遠翳出斜日照山變作千芙蓉芙蓉搖搖動湖影
水底頽霞拓千頃霞光在水日在山日落山昏水天靜
撲襟颯颯湖雨來合嵐爲雲低不開揭雲亂葉不避雨
繞吾衣袖相盤迴斯時吾心了無著僧打空鐘倚高閣
天將元簾散清寥客有奇思破崖穿鐘殘雨止肩輿行

下窺萬仞多明星明星非星乃燈火一路千燈接到城
忽懸孤月千燈上掩蔽羣峯作屏障峯根不見大湖流
但聽峯心出漁唱

露臺坐月有作二章

珠光天切露玉氣水當樓窗簾簾如船泛牘花作藻浮夢
尋遙海屋烏警過城秋醉看梧桐葉青能拂斗牛
低籟激高歌白雲搖絳河扇光邀月滿山影入樽多靜
露欺疏鬢深香裊定荷吾情吾自感非爲怨橫波

秋夜二章

涼雲展微碧河月西南橫飛鴻避肅氣遞響來高城開

門步平陌露草光渟渟枯蘚忽風旋亂螢如散星延景
追往悅歎象歸至真誰使向淒莫百感紛興迎

憶昨攬朋輩置酒臨大江青山接天色日黑雲頭黃風
林掃低葉孤鳥飛自昂東南接天海隱隱見故鄉狂歌
振吳市飛夢不可航得樂且爲樂勉盡天涯觴

贈劉山人

涿之

棲心絕庸想植骨稟至堅冶華返冲漠持素非徇偏錯
磬師古哲瑣藝操其全高言發神采湛湛月在淵天門
洞歲雍靈翩恣翔騫瑤花一爲拂雲態皆仙仙吳江落
楓葉把袂秋風前形睽恨遲覩神浹殊暫緣肝膽尙中

蓄已若交吐宣相如自潦倒宗之方少年不以桂薪溷
乃蒙夔蟋憐源真無絕派江河亘大川日月倘與躡金
石難自專何當共爐汞論道羅浮顛入景有遺錄腐櫟
非真詮

附和作原韻

忠州劉泳之彥冲

洪爐降飛冶至柔出真堅澄懷百代心大匠非私偏
凜哉視領要寓言驚天全神鷹下夢澤巨魚伏潛淵
一朝盼九萬勢欲思騰翬孚方御元禮望之若升仙
慨然聆頌音頗似黃虞前翹翔持內則冥心割塵緣
何慚竹林下金石多殊宜今君將高駕正復值英年

懷奇恨莫從折麻私自憐白露洗天末清風掃長川
豈徒紫霞想抱朴煩精專蒼蒼三珠樹振羽息層顚
君其窺秘書來會示丹詮

秋夜宿寶蓮寺觸籟成歌

牆根小草弱難媚高梧覆陰助之翠涼雲灑葉弄淒響
上搏風聲鬪煩碎風聲到地引蛩語蛩語當風促逾苦
若斷不接接以雨雨在空階蛩在戶愁人倚戶愁未央
搔搔抑抑來何方雨聲點點滴愁碎蛩聲引愁續續長
低檐黯黯沈晚色虛堂漠漠生慘涼亭亭人影瘦屹立
昏燈照壁如夕陽揮愁不去且舉觴蛩稀雨歇月上牆

牆上高梧展風色牆下幽花動露香浩然凭檻歌激昂
天地闊寂凝清商雲河繩雁不下海城門秃柳知有霜
掩幃就枕且安息酒醒衾涼夢無力殘月欲墮風益急
蛩復悽悽雨還滴浩浩林鐘破曉烟瑟瑟庭墀滿黃葉

梅曾九章

磊落吾生少負才悔曾結客向燕臺纏頭壓馬聽歌去
繡臂講鷹看獵來上谷流雲搖短袷大梁積雪照深杯
誰憐俠想都消盡灑涕當風感鬱哀

隋家烟月木蘭橈夢憶揚州廿四橋空傍玉鈎尋翠釣
已無瓊樹狎紅簫萸灣擗榜橫春絮瓜步驅燈送夕潮

枉有羅襟啼點在不隨飛雁影同消

丁巷辛街斷夕暉
棗花飄落野青肥
五侯門第鶯難問
六代江山燕已歸
白紵春衫懷蔣捷
玉紗畫幙怨崔徽
自沈霞彩無消息
瓜約萍期夢亦違

晨星澹白曉烟黃
賭酒臨安典鸕鷀
醉裏夢遊羣玉府
愁中春老鬱金堂
風蟬小鬢橫燈見
冰麝流蘇窣地香
過眼漂零隨敗絮
傷心老大嫁浮梁

藕葉香疏到簟心
柳絲風緩過羅襟
舵樓鷗語嬉涼翠
鏡檻蛾眉妬遠岑
儘有朝雲遮白日
却教春水冶黃金
那知酒醒桃根去
澠渚芙蓉有露侵

玉簪涼月小娟樓明漾春烟薛素舟悔使邯鄲嫁廝養
不教汎國寵車驕四檐紅桂金魚鎖一桁青山白鳳遊
何止芳艷風易落難尋盼盼與柔柔

春到碧湖水似醸湔衣人拜九嬪墳烟遙畫郭多新柳
天際橫闌有薄曛車子六萌延鵠盼侍兒雙髻始蘭薰
未堪酒醒歌殘後只聽漁榔唱暮雲

誰悟當場色亦空漫精雕績惱天工十三池館犀黃押
二八嬋娟翡翠籠西曲未殘青杏月北邙早颯白楊風
可憐炙膾荃蘅氣收拾啼斑笑影中

泥沙何怨玉何恩種遍將離與合昏露草原非蝴蝶宿

風花多是杜鵑魂退紅滿箇留衫色淒碧凝壺曠睡痕
幾見沈香無斷火雙烟常裊博山溫

五峯山

不丸神仙靈不趣將軍猛

吳俗四月十四日燒香福濟觀日九神仙正月十二日祭

劉猛將軍巍巍五峯山下有神能爲國除災爲民逐鬼

當具我酒漿與神酩酊惟神之來其風扈扈惟神之

棲其雲莽莽莽扈扈非狥非渝非麟之圉圉鹿之虞

謂天降精曰神虎宜血食爾一方以爲爾民主民

曰噫嘻是宜敬之有不敬者神不爾怡當褫爾魄磔爾

尸使爾子孫家室刀兵水火疾疫多災危南村伐木北

村鍩泥東村富人醵三十萬資西村貧者與神服役相
奔馳至神之墀雕神之棖朱門丹陛案案絢綺以爲神
之祠 趕趨趨揚翻擊柷敔朴朴宰羊殺犧悚悚
恧恧遣巫驅祝釐我士女嘉我百穀願我皇天不我殄
我戮願我官府不我箝我酷我戒我勗我恭我肅以邀
我神之福 赫赫上帝御太清命左右吏糾窈冥謂有
夫巳氏之鬼爲厲於世性黠而貌儻迺遺六甲迺檄五
丁轟轟訇訇惟雷惟霆灼灼熒熒惟焚惟傾爾虎何威
神何靈心無畏惑民太平五峯之山常青青

遊木瀆錢氏園三章

妙構極自然疑非人意造頗嫌短晷催未容恣探討雲
縟廊有苔露礲徑多草綺石如美人坐閱萬花老百綿
枯藤纏疑爾青鬢槁潭鏡千尺泓殘荷一莖裊遂使靜
止天玉芬溢龍腦何以蜻蛉紅但媚水陰寥

楨桐有干尺紅桂當百年含蓄萬山翠藏納一屋間蠹
穀十二櫺織以芙蓉烟綠琴臥湘几風惹無澀絃誰於
蕭爽夕倚鶴延嬋娟枕簟浮雪光可抵瑤虛眠主人貌
耀古或者羅浮仙坐客靈芝叢留餉梅花泉

繡閣重闌紅瓊天四面碧曉靄靈巖秋挂眼無一尺汎
塔孤城浮錦帆大湖畫袖底篁鳥聲散入水雲白我御

衫五銖奈何六合窄讓渠如擴營結秀坐龍脈擷其初

菊枝歸沿澈南夕回眄頽陽光寂寂照空驛

過余文植蘭筍山房示詩二章

走蠹縱橫滿榻書借榻作幕看風梳定中醉眼撩塵馬
病後禪心謝墨豬繫帶已無吳子劍堆槃但有庾郎蔬
敢辭萬里樓卑牖舊轍關山亂草淤

堂虛不使芥留坳葉苦難爲屋繫匏質庫貰裘因客典
官厨濫食代誰庖青天爛爛橫肴字白日駸駸走竹柵
利刃未能屠瘦狗先生何以解詆嘲

訪褚逢椿不遇少憲清簾閣二絕

風激微琴在洛泉靜中默有古愁緣暗藤自匿蒼烟氣
不管斜陽戀鳥邊

多應愛雨種芭蕉可惜梧桐葉盡凋桐葉早凋須爲月
初涼要我臥吹簫

秋感詩二章

家居坐愁食客居愁無衣漸有霜風寒吹我頭上絲短
日迫苦心內匿多鬱伊又忍急水長漂我寸心逝寸心
逝安往萬山阻陵厲陵厲萬山凝寸心與沈滯

翼翼城上烏啞啞覓棲宿豈知空江心淒有燕影獨便
隨烏鳥飛夜將止誰屋止亦不得依去亦不得歸芳草

失春綠關河多涼暉涼暉浩莽中燕與落葉隨

贈楊山人

魏華

四章

普地南薰風不入窮士門幸免凍餒憂天已深其恩十
載守迂訥著述多妙文誰憐卷軸外但餘椽屋存槁顏
石同瘦衣有秋苦痕坐享空山年風雨清其魂塵達起
巖嶮駿足難鞍奔安見無底鉢可貯方壺雲

衆氣方致榮斯人獨顛頽力抱天柱孤難砥大河潰矢
心甘牖居默爾古懽佩目攝變訥雲已窮造化態娟影
資自憐於世眇何賴差幸黃鳥聲與春慰私愛咄嗟蠅
蠅微亦此大圖戴奈何走壁風不及江水快

大江限南北不限君聲名未及握手談吾意難爾傾吾
貧爲謀食橐筆闔門城躡躅生汗顏何待人襄輕不猶
命同感摧此傲骨崢嶸安有巨靈斧一削千山平浩歌吐
中鬱未防神鬼聽仰看正午暘蔽匿秋霧冥言愁亦何
益撒手虛空行虛空漻漻風吹動雙虹青

拔地穹窿山不鎮風氣浮殫心務華冶纖瑣窮剔搜偶
作樸愿持鄰里咸鄙尤始信翟雉羣未宜廁之鷗脫我
一襲衣飲君城西樓壓巷香裊塵不滓深樽秋深樽秋
綠光下沈月魄幽以此斟酌君蕩君心鬱憂憂心蕩何
涘上薄斗與牛手擷天孫綃拭君清淚流

春申君廟燈筵詞

椒蘭其餌桂其漿
媚公子兮夜未央
我獨知君非任俠
依之爲社降民康
碧天楚蜺蟠雲語
青樹秦鸞貼雪翔
迎送未須彈古瑟
過風敘珮極琅鏘

同邱泰厲志飲韋君在山草堂聽其十三齡女公子韻覺彈琴

秋不在天地而在秋士心
秋士之心有萬籟無所觸撥
斯匿沈韋君坐我秋樹陰
古屋堆綠如暗岑隔岑一角
夕陽白照見玉猿斜睇簾蘿深
藤葉何修修蘿葉與嫋嫋
玉猿矜媚姿那知病麋老
天風爲帚几塵掃明月飛

來入懷抱月光迴掣紅桂枝人間聽雨方暮時空烟宵
眇千遊絲爲誰織作冰綃衣秋心靜裏七絃入絃響輕
挑秋籟出秋心含絮能蕩搖秋籟當梧極蕭瑟秋籟在
指不在琴秋心在靜不在音楚國山川片雲住謝家庭
院孤蛩吟厲君何感意昏憊竟說明朝要還越邱翁老
矣何所思急斟佳酒浮滿卮我亦不能飲我亦不得歸
我不必雙涕垂自覺掩掩抑抑中心悲悲不我解將怨
誰怨其窶年娟處不識世間愁苦事何以一彈再弄直
使六合無陽迴我詩未終曲已盡轉笑吾詩似蠟蛻黛
光照醜荷影圓霜氣生衫竹颺繁乳燕歸巢四幕懸醉

看長空捐獨隼

自崑山至上海舟中得四言九章寄厲山人暨葉

山人元祐時厲君已還四明

驅雞逐狗日月負負客行在船讀書飲酒讀書數行飲
酒一觴仰視天漢秋雲蒼蒼俯聽流水秋風湯湯念我
故人迢迢曷止懷我室家蹙蹙靡已

蹙蹙靡已是用作歌精采云悴遑恤乎他世不殺我亦
計之左溫飽晦心忝此重荷空山白雲中有美人不芟
荆棘自高其門挈提千載而涵於文

不惠不夷衆訾而疑舉世皆坦吾心獨戲吾心何戲惟

戾於時阮籍一鸞嵇康一鶴雖有梧桐不登高閣
壯哉陳平肉宰天下藐然侏儒不能騎馬馬行千里人
行百里食不藉耕笑者鑿起陌路之交曷相兄弟
玉山阿瑛已無一樣五茸如阜牛來競眠元運有復未
敢咎天萬彙之陳更生代死蜉蝣一身遑論妻子周孔
日遙莫或余俟

皇輿太平身賤亦貴熟讀明堂以當屢對諸君正強當
思有爲爲不在大亦不墮卑母學羈人爲人之羈爲人
之羈誰諒我非

春行而南秋行而北何以鵠鵠有此健翼士有陶潛在

吾目中尾不見首神天之龍龍而蠖屈未竟忘物帽蓆
衣蘿亦簪亦綵

大年熟玉小年熟稻積金萬箱不值一草吾心尙孩吾
眼已老海雲照廬但思歸早有舌吾兵有研吾耕舍此
二者何以爲生

孰測吾來孰阻吾去但有賞心秘爲隆遇擊汰千里不
出地中涼能爽骨甯非好風好風吾從好雨隨下形迹
雖睽氣可憑藉松柏內貞天不能謝

寓水仙宮夜半聽南澨葉叟隔屋彈琵琶詩以贈

之詩中雙叶流字
古有此例也

庭角雙梧桐葉落無一牋何以夜半秋風生索索如喧
萬荷柄使我攬衣起重剔殘燈明燈光上壁苔氣青壁
勢欲動心搖旌颯然忽中止桂閣瑤鸞墮烟死砉然還
一挑碧天蒼鵠舉虹旛靈妃窈然逝竹影瀟湘有雲閉
天女珊然來羣星布網銀河開一指但作四五抹一韻
能轉千百迴不知彈者何所喜心曲纏綿托蘭芷不知
彈者何所愁瀉此痛淚傾河流我心不著愁與喜胡爲
與樂其樂憂其憂電輪雷轂芙蓉輶龍螭扇蓋天吳旂
何不使我之夢蓬萊遊吁嗟乎此技雖爲賤者事能感
人情有詩意我無長技惟學詩不如爾技能入時堂下

少年三十輩袖金置酒來爾師爾院華燈閉深幕吾屋
燈疏靜蕭索吾心已若夜啼鳥爾曲毋彈白翎雀明朝
拉爾登城頭環城皆海城爲舟爾以曲娛我我以詩爾
酬曲終寫以海峯碧詩成投之海水流舞平仙仙兮鬢
修修仙之人兮不可留綠華雙成抱琴瑟遙遙待爾昆
崙邱

同張徵君澹遊蕊珠院分賦諸景倣六言七章

琪花入夜欲落弱水經秋正寒擷得鳳巢竹實去凭鸞

背闌干方壺一角

紫蓋自擎烟菌青根誰割雲肪自古松喬有宅至今秦

漢無皇 圓幅

萬片玉鱗已蛻千年鐵性成頑誰與摩挲明月可憐偃
塞空山 榆龍榭

至曠能容衆象太清不染纖埃君是烟霞過客我思水
木清才 淮華堂

玉蟾一千年壽銀蝶三百樹花有影夜深在鶴此枝春
後無鶯 香月鄰

黃閣風波萬仞丹邱雲水一磯其地入紜之表斯人千
載所希 海上釣翁處

舉頭有天外想盥手讀枕中書鬼谷先生無恙函關老

子何如 小蓬萊

同陳應璣豫園萍香榭茗談卽過點春堂小憩

萬綠一花筠影吾媚挹其空芬不酒而醉白衿滿筵顧之皆翠過預波光中有魚吹燕以悅飛鶯以怨睡彼挾丸者躊躇停轡春之所娛於秋咸備不知高陽疾已西墜良友招攜我寂聊慰飲彼鑑光以澤頰頷虛堂一隅莎草晴被方丈古蘢蕭颯黃魏芳土如金尺寸皆貴小山碧叢招搖之桂月雖未升天澄何翳吾搜其碧客席其砌興有名抒協則同契千車已迺夕象逾靈出門看

山海東垂髻

省園觀菊

靜者閒心力禡人冷肺腸飲天三斗灌供佛六時香晚
繡分吳練晨餐峙屆糧青山彭澤夢吾愛鳥能翔

妓有鼓四十二絃琴者

畫浦靈槎夢醒時坐看織女弄機絲水天獨月羣鷗唼
花海深燈暗雨吹香土已消瓊樹影俗聲可廢玉溪詩
寒簧別有仙傳秘未許成連按譜知

貓兒戲

謂六七齡女童演劇者

其形至雛其性至黠居然自優能狙能鶻三寸之燭
八尺之鼴鼓之舞之其樂于于幼則用憐長則用棄

色雖善魔往將誰媚
貓兒貓兒假豹之皮去豹之皮
羣鼠相欺

侶雲先生遺墨爲張徵君題

徵君之兄也

斷楮零縑如敗葉風中狼藉問誰收泣持片羽悲兄死

弟在江湖已白頭

萊葭浜

天遠出高柯潮迴走亂荷暗霜涼氣緊殘蟀斷聲多峭
夢摩羣壑閒漁聽獨噭依燈吾鬢在末路惜蹉跎

訪程庭鷺少譚

伯也今才子人傳三絕名寶刀持上礪春水澹初盟鳥

已空窻散帆催大澤行負渠新索句

時索題行看子
匆匆欲行未果期

我後時情

西成橋大火泊胥門舟次作

結鬪珍天物屋氣早灰死白日聞鵠鵠鬼囉匪今始冥怒無能回速亡直彈指漫吟厭禳虔例已費錢紙祝融騎兩龍拉絃落櫬矢毒霧生巒巒照耀百里紫如決瓠子河人力墾難止爛地焦牛毛魂魄不可理道旁慘哭人其心昨皆喜小劫開大祥積習賴摧靡嗟爾殃所及鱣羣豈無鯉存此無媿心尙堪挽瑣尾趨避計猶末剝復有庸理哀憫成此詩敢爲袖手悱

復莊詩問

卷十三

十九

大梅山館集

雨後泊鴛湖

遙夜疎燈炷枕樓空濛雨氣未全收胥山酒檣花期誤
笠澤漁竿荻夢秋湖水細搖人語出城嵐曠有月光浮
天涯疎鬢風中葉掠影萍心似斷鷗

真如寺

古鼎旃檀裊裊薰客從松底踏斜曛靈泓冰雪千年井
畫塔湖天一髮雲疎磬荒烟裴相宅啼鳥落葉趙官墳
布金此是華嚴地舊劫何須感蕙焚

金陀園

避客簾陰病鶴罹廢池雲氣走蒲菰持螯誰作重陽會

種橘新裁禁地租賓友豪須千載繼
千載樓在禾郡城東爲宋淳化時沈中丞宴賓客處
石泉夢負一官廳謂曹參國司農王孫舊湧湯陰月百丈松坪有夜鳥

題家明經丈觀光墨林如意室圖四絕句

因得項氏天

賴閣鐵如意而作張叔未解元廷濟爲之記

梧篠響沈天籟閣貞金羊石化秋虹
鸞寶百鍊迷烟劫靈奪珊瑚七尺紅

席袖雷缶枕雲墜五鳳輶齊綺羃
擔跌蕩吾家秋澗老手揮野馬颯蒼鬚

男兒墮地根愁憤一意經營百不如且袖昆吾三尺鐵

夢排月府擊蟾蟠

指電揮霜二百年老駢尻骨勝連錢好將博雅清儀記
補入西吳金石編

洗廄圖歌爲家明經丈題

先生於古極嗜薛搜元易秘歸一藏鑿隙紫席炫精彩
龍鸞蟠翥紛紺黃振髯踞坐狎周漢六薨寶廄開華堂
康瓠破碧掃塵芥熊鎕獸鏗相焜煌膚爛耳蝕究毫笏
累深黍淺參權量攷工二輔內官省上飄下鬲模範詳
脣以寸計厚減半足三或四羅圜方盤雲髮細裊局則
垂花巾帶雷文相辨名鬻鏐異斛鑑祖乙父已銘吉祥

周畿漢輔久沿革土囚火劫金爲殃越三千載揜明瑰
翠紫斲鏘焦無光揮童役使刮浮垢銅淘冕溢聲琅鏘
金祝易鑠礮亦賤只斯寶貴同珠璫頓開冥闕顯鏤琢
重縠閃霍星鈞芒骨幹散瘦笑离末肉好屏列如環嬌
六時珠居運甓赴五侯玉鯨列鼎嘗託諸圖續表中竺
時情匿緬非迂荒竭來賡器刲銅賈旅人直遜陶撫強
鄆鄙關陝托氏地優孟何啻土範當先生胸腑爛流派
制度了晰同輿匱聽聲捫色誌益錙祛疑衷信無惑惶
蟾烏磨拭少鉉澀治城孫積古
阮遙韻頑南江邵疏證
北平翁考但以恣肆爭文章惜哉同鑒寡錢十雨
蘭邢民碧

曠何論弇州王琳璆金薤睿寶守千春萬禪貽無疆伊
予好古有同癖對此眉舞心飛搶曾懷藻鏡照頑鑿余
有漢仙人不老鑿

蟪蛄長信鶡昭陽鎔兵梁焚鑠煙黛仙人不

老還迷茫讓君鍛網富珊樹太精四射湖鷺鷺須敦雅

爵與華駿雙魚洗五鳳輒借騰翔聚因所好君足樂覩

不能辨吾誠偷北斗胡挹箕胡揚且還瓦缶饗酒漿

寄陳應璋

風鴻側翅倦飛翔遠樹城陰見夕陽野草經寒變衰白
江雲連海極蒼黃天涯昔別君相送兩夕孤燈語未忘
爲問道旁幾青眼更無人與慰淒涼

同家鴻齋萬同年

潮

泛舟南湖登烟雨樓

斷蘚雜樹高下黃陰天道色如夕陽違風吹雲到湖水
水與雲凝去渟無光樓臺中消烟荒荒烟蘿萬仞石作
牆牆頭棲烏噤風至一飛羣逐雲頭搶水之所盡見孤
塔卓出萬瓦城門當移舟就渚客緣岸導我曲折登樓
望以樓絜塔樓還昂欲駕鼈勢凌入滄仙人鸞背玉簫
斷有聲不斷漁舟榔人天浩瀚恍重歷昨宵有夢浮衡
湘湘中之人善窈窕其貌冰雪芙蓉爲裳招之或在君山
陽君山不見見鴻翔鴻翔忽下覓棲宿客亦心動思故
鄉虛鐘隱隱出遙寺勃我胸臆同激揚同儔促袂喚歸

去留之亦得行亦強塞天垂水生夕蒼日不見落月滿塘天雲乍歛水轉白水田坼割玻璃光二更月可照樓檻茲樓曾倚人斷腸

答馬丈
汾贈作

照燈白髮感秋新
叟鑠三朝老逸民
身後文章吾輩事
丈以詩卷相屬
檐邊風雨夙山因
每懷季子流清涕
丈爲吳澹川先生舊友
但種梅花作好鄰
東郭南湖遺獻盡
魯靈光殿此嶙峋

贈奚山人

疑

懷葛古高士
東南大布衣
閒生亦麟鳳
才望共歸依碧

海雲如夕靑穹鳥自飛徜徉外塵壘苔上有苔磯

哭端木舍人二章

招魂誰續大夫歌寒碧平原感逝波地肺青烏空効窣
天鈴元象猛收羅易堪千古猶身在土也人間慟爾多
聞說仁王山下路先生卜葬處夜涼有鶴語烟柯

芝柏心期付杳冥西風灑涕此伶俜幽燕琴酒無明月
既括山川有墮星先生歿於遂安吳裕蓋孝廉經紀其身後事我媿延陵敦
古誼天將靈空葬遺經先生著易指既成將底稿函石藏之太鶴山乾乙峯下只
留敝篋詩篇在先生貽予手寫詩卷置行篋中讀與茅堂斷蟋聽

郎觀察葆辰屬寫東坡小象係以二絕句

哩輪風骨重烏臺眼底承平曠世才何日青山雙笠屐
相從雨後踏春苔

特辭印綬返圜廬玉局髯仙認故吾了了胸中經濟在
好將諫牘注元符

同羅以智

吳廷燮

高學淳

吳敬范

登吳山還飲天

河館酒樓二章

山河今脫屐風雨易思鄉慰以諸君樂憐吾末路狂臺
空雙桂老天闊一鷹翔江汜漁磯在吾將問野航

行杯能駐日拂劍不留風苦志天難白慚顏我易紅舊
盟參木石小會慨萍蓬明夜遙思我越山東復東

先大母八十忌辰

寒此一寸心不爇九原夢愛孫今已歸含笑飲毋桐蒼
淵屋角梅暗花一枝凜陞有初春暉敬敢作餌供能爲
泥膝嬌未改弱時弄此生還何期流波大江送年年啄
食勞有翼不成鳳陳列芻酒微何以愴吾衷

過葉山人

元培郡寓留飲並懷厲山人瀘州

瘦顏各無恙忘已別經年高燭開尊酒深苔坐夕烟蟾
光遲不照鶴夢幾能圓且覓樓西妓聯牀聽撥絃

出門謠

出門一年歸家十日天上明月十日圓不補人間一年

缺十日非短一年非長奈何西北風又欲催我行異
鄉行行可憐躑躅路前一步一回顧使我淚下如涌
泉上有白髮貌下有青鬚婦有淚不敢流肝腸在中
復何有惻惻悽悽低首而走

除夕舟中

驛路驚心歲已闌一篷江雨燭光寒有人今夜茅檐底
憶客聽風夢未安